

حرف ماسي
ياحرفي تدلل لا تكون قاسي
رح طوعك ع لساني بسلاسة
وادعك فيك لتصفي عجيبة
ومرجحك بين فكري واحساس
رح ضويك نجم يلمع عا جبيني
وشمس عاشهود المنابر والكراسي
رح توجك بعقلي بمملكتي بعريني
كلمتي سلاحي وحرفي رصاصي
رح ازرك جنب حوره وشربيته
واروي شروشك من عصر راسي
واسقيك عصيره فكر تا تعطيني
علو الارز شعر شامخ عا قياسي
رح اشلحك عا موج بحري سفينه
تمخر عياب عشطوط ترمي مراسي
واحفر رسمك ع حورة وع تينه
هونيك التقينا لو كنت ناسي
رح زينك فرح عرس وشمع زينه
وحرفين يربطوا قلبي باعراس
واحكيك حكايا ضيعة وقصة مدينة
وحرف خربشه عامقعد دراسه
بالدمع رح اكتيك آهاتي الحزينه
ع صدح مأذنتي وفرع اجراسي
يا حرف احملني ع دشمة ع تله رميني
هونيك شهيد بطل وليل وعين حراسه
بالدم سطر حروف عنه احكيبي
عن رصاصه عن حر ناره والماسي
الحروف الطاهره بحبها بتهويني
بتدغدغ ضميري بتشعل حماسي
بعشقها عفيفة ان طلبتها بتجيني
لا حرج فيها ولا منجسه بنجاسه
مبلله بطهر وجمال الحرف تسقيني
بيطلع شعر تليل بحرف كاسي
تقلت عليك يا حرف تا ترضيني
رفعتك العشره وما اعلنت افلاسي
اتعبتك كثير حيرتك معي لا تشكيني
اعذريني يا ابجديه اذا حرفك ما كفييني
و ما قبلت منك الا حرفك الماسي
خضر خليفه